

西湖畫舫記



六藝書局發行

湖船續錄
湖船續錄
不繫園集
隨喜庵集

明湖畫舫詩序

錢塘其名勝。古不莠稱。稱自有唐中葉。一二名部使郡牧。巨擘高蹠。摻導采染。湖山奕然。在昔江左勝流。選幽撮翠。如謝傳右軍。前筇後屨。大都會稽。蔣麓間。西冷坦淺。無谿訝窅窅。其次臨安。以西金堂玉室。猶諸酒潯麓垓也。唐賢因吏治開拂。亦非名都雜遝。眎蒼龍九羅。雲夢五湖。綴於片玉之琦。不稱鉅麗。自五季喪亂。揚一益二。宰務春寨。所在灰蕩。而臨安獨完。錢武狐噪。客猶能臨陌上花歌。緩緩歸。其時羅隱胡岳貫休之徒。吏祿僧廚。峯堤觴詠。誠忽然不復知。有何天之飛也。宋承其華。實由五季開采。永叔不信於史。他日作有美堂記。乃云其民富完安樂。十萬餘家。然趙氏都汴。中國華盛。此爲偏方下州。偶有名人游歷。與唐哲耀映耳。建紹駐蹕。倉卒苟安。曩所爲蒼龍瀟鶴。鉅麗華盛之地。遂如雲烟過眼。不可復計。而後中原士大夫。闐駢蜎附。始但攀就龍南。偷生避地。旣而作苑囿。興歌舞。詩場酒囂。錢唐樂國。爲豪杰所譏歎。而此坳隅。乃極盛嗟呼。西冷潯垓下州。古今盛

衰興亡之感集焉。大致王化降。則九衢均平。故遶梧不萃於下都。世運陂則洪濤先翻。故擇沮。每因乎偏壤。今大夫西冷在唐宋則掩於瀟蒼龍。降在江左亦掩於秣陵具區。惟五季南宋獨顯。豈其盛衰回互興亡悅懽耶。亦地勢使然與。然至今日。既非謝傳右軍筇屨之年。亦非五季建紹闐駢之日。而我等適復來此。荒涼刺目。所謂其民富完安樂者安在。而陌上之緩緩歸。與夫錢唐樂國者。皆不可計也。則是唐季以來。西冷未有之衰。而我等適遭之。諸君子乃能選幽撮翠。哦騷舉白。徜徉乎吏祿僧廚之間。嗟呼。此其事不大難哉。雖然先雅不亡。後暉難倡。夫豈盡奪於其時哉。以吾石友沈公。巨掌高躋之所倡。又得高士汪然明西湖諸曲。復標勝迹。重新畫船。皆絕韻事。足以補西湖誌餘。而余亦得廁諸君子後。憑高覽古。縱蕒茫如。西望玄蓋。李伯紀朱元晦之俎豆在焉。余所願攀裳而未能也。近眺孤山。時見白鶴飛來引人。其林君復之清風乎。余則慨然興懷。有不止舉白哦騷之概者。得母曰。天目台宕。徒愁岱華也。順治己丑秋日。通家舊寅治弟李際期頓首草。

湖舫詩

清明前二日不繫園社集用吳巖子書聯雨絲風片烟波畫船爲韻各卽事八首有引

廣陵沈奕琛石友

春方苦雨。節屆禁烟。湖斂豔陽之天。人共水萍之感。良朋親止。雲出岫以何心。高韻橫生。月滿梁而自喻。小泛攬山川之勝。幽期足杖筇之緣。聿載方舟。湖洄孤嶼。由斯倡和。弔彼古今。坐蒲團以追白社高風。望竹閣而振青琅逸響。雨沈林瘦。黃鸝啼。鶯啼桃花。雪漫山空。白鶴亭中。傾竹葉。拈雙聯以杼爛漫之錦。集八韻而霏慷慨之辭。將寄趣於瀾光。亦留聲乎黛影。予役慚星使。迹類波臣。問張緒於當年。但有鶯梭誰是主。感林逋於此日。試看梅春尙成妝。漫興岳樹之歌。徒盼蘇堤之路。情其能抑。竊自爲音。爰授簡以次倡。予用殺青而貽同志。

鬱鬱西冷山。悠悠見初古。祠碑咽杜鵑。鼓棹飛鸚鵡。白雪自爲歌。紅淚誰能譜。芳菲幾日妍。消受連朝雨。林香一。月候。游子意何其。水步桃花漲。人隨柳浪詞。高峯含海氣。丹竈帶雲炊。不盡留連意。清言廢竹絲。烟水心期盡。行藏有夢同。餘生成快覽。異代閱空濛。西爽沈千碧。南枝滴數紅。恍然逋士句。今古逐春風。偶來明鏡中。冰雪狎春譔。座壓黛螺低。望移蒼狗變。湖山疊萬里。風華生八面。疇問武陵源。漁郎花片片。

曲堤分野水。人上木蘭船。小草春來思。殘烽江外傳。風和回北雁。雲濕近南天。欲問千秋蹟。荒祠帶夕烟。霞布流空翠。寒鐘下尺舸。豁高添翡翠。春老健藤蘿。畧岸冥通夕。拈風靜聽歌。六橋連更斷。無計奈烟波。古塔樹雲邊。潮音起衣帶。不景涉還微。幽情互爲快。山兼濃淡妝。湖渾陰晴界。竟日成徘徊。船中滿書畫。游到真忘倦。春城動晚烟。出青全人鑑。雲黑半垂天。問水迷秦客。看碑說宋年。鷗夷何代事。珍重五湖船。

樽里李長順天助

無窮山色佳。白日開津鼓。危鳥斂雲飛。平橋壓艸舞。空香吹暮花。孤籟橫遠浦。相對已塵清。寒生今夜雨。不倦探幽意。相攜秋水時。懷人花半閣。逃世酒全卮。春滿山爭動。愁深鳥竊知。陂塘春正早。刷齒薦蓴絲。晚峯青更薄。鶯語到樽空。官渡人飼馬。女牆樹挂弓。驚心憑夢穩。拙計哭途窮。無限登臨思。難堪花信風。出門野水深。塔影穿雲變。日薄客衣肥。春明鵬淚賤。招隱書易通。遊子貧難倦。坐惜倚樓人。花飛已片片。真謂愁中集。相將酒問禪。犬雞喧落日。風雨靜移年。束影窺三矢。銷聲撫一絃。兩峯何日謫。許我破蒼烟。一棹遲花約。湖光衣到多。鶴懸疑有月。鳥語總爲歌。避世封長劍。乘流狎短蓑。每逢良會好。不欲眼橫波。曲塢烟如瀉。柳寒絲未掛。山滿採樵聲。人半課晴話。俗畸人近僧。道窮書欲賣。倚榜見鳩形。流民誰爲畫。半笠成孤傲。誰言茅化荃。傷心曾夙夜。入眼幾新阡。放世酒千醉。逢人詩一箋。青箱羞我誤。不上米家船。

古歙汪汝謙然明

藉甚企芳聲。才名誇第五。年聆玉屑霏。忽變商羊舞。寓目多傷時。感懷應弔古。春深遊屐稀。十九日聽雨。空濛山色暝。內意雨催詩。玄塵翠尊合。芳名草木知。多君肩獨白。愧我鬢增絲。却喜忘年友。時徵絕妙辭。芳辰欣結伴。書舫欲凌空。徙席猶霏雨。憑高可御風。長堤鋪草綠。曲檻亞花紅。勝會知同調。新詩雪與工。湖山不改色。偏感人多變。只合重交情。何須論貴賤。無心雲出遊。息影鳥知倦。難禁雨兼風。落花紅一片。風雨妬遊屐。每逢如隔年。因知詩遣興。偏向酒逃禪。柳綠不堪折。花紅殊可憐。閒情一衲伴。日日泛湖烟。當年多書漿。羅襪每凌波。搵歎采蓮曲。翻聞奏凱歌。匡時甯獻策。屏迹避操戈。欣此招攜日。平湖共狎鵝。雨晴山更好。幻出詩中畫。橋畔水初波。樹頭瀑布掛。莫言興欲歸。况值花將謝。自昔動相思。千里還命駕。到處蕭條色。湖山更可憐。堤無拾翠伴。湖絕聽歌船。亭榭傷今日。雲烟類昔年。得君來領略。傳誦有詩箋。

姑溪吳山巖子

兩峯不出雲。十里春陰譜。水上快鳬鷗。簾前怨鸚鵡。花寒不放香。月瘦未見補。莫謂近山暗。遠烟還是雨。兩次青峯落。雲飛帶野炊。萬山公瀑布。千樹國春枝。鳥代花爲語。詩因酒句思。載桃俱是浪。何處挂遊絲。梨放寒香雪。杏開秋醉楓。野雲無定相。谿鶴有閒工。花性同林異。春情百草公。六橋鶯燕寂。無語對東風。注我十年思。莫謂尋常見。遊客兩朝人。明湖古今面。月伴孤山親。雲續斷橋情。珍重泛花情。都是春光片。塔掛雲枝斷。橋分月兩天。雨多春值賤。花盡客生憐。愁以一尊壓。懷將五字宣。莫虞身外事。未了是烽烟。

柳倦絲無緒。鶯嫌雨不梭。雙隄寒蝶夢。孤棹冷漁蓑。貧爲耽遊甚。吟因感句多。漫云腸似雪。猶自浣春波。獨此別有天。超脫滄桑界。周折買山錢。慷慨償詩債。舟同范蠡尋。賦借司馬賣。安得輞川人。收拾烟波畫。桃花然曲水。岸草亦何芊。苦雨春如病。驕風燕欲仙。闌茶烹澗溜。排夢枕山烟。正說無絲竹。鶯歌上酒船。

姑溪卞立文夢五

山色序當春。山骨瘦已古。遊客泛杯歡。湖光笑人苦。且忘桑海憂。母問鶯花怒。檻外幽氣繁。竹泉嘯風雨。蓬居多暇日。坐臥每遲遲。賴有青山閣。聊酬白社詩。鶻聲驚客夢。花氣浣塵脾。近轉春寒甚。何堪風雨絲。嘯歌無累世。儘日瀆雙峯。閱史消閒雨。披囊贈去鴻。竹搖杯底綠。花襯筆端紅。佳月似無信。黃鸝罵晚風。春光不在天。游雲臥蒼甸。花幽非一香。鳥靜能千囀。佳趣向雨分。好句希晴撰。枝上午風恬。吹放紅成片。片雨沈南浦。風樓薄醉天。一簪新漲滿。兩岸綠莎芊。山有騷人意。春無慰客憐。遙看飛鶴下。雙岫鎖寒烟。欲霽雲烟活。遙鐘醒薜蘿。水明魚犯藻。風止鳥聞柯。放眼詩情逸。披弦竹韻和。晴光有起色。雙燕掠文波。坐臥西子湖。耳目不容懈。松喧鶴可招。香靜琴甯挂。無力購奇書。有作稱佳話。簾捲活丹青。殊勝米家畫。幽懷愜佳境。吟思渺無邊。瀑瀉巖疑雪。花繁野欲然。風聯漁唱斷。烟絡柳絲懸。莫謂淹春雨。西冷有醉船。

閩南陽岳季平

山色漾晴空。習居時異賂。嵐高出遠容。烟薄斂餘縷。鳥夢繫春堤。笛聲來夕塢。幽人意若何。樓頭待新雨。

每愁隄草變。漸覺上文漪。遊子厭山牖。春風戀酒旗。鶴隨采藥去。犬報郵筒詩。日落前溪影。片然一釣絲。
十里涵清鑑。羣流合小淙。橋低船不礙。寺古徑常通。曉翠山光澤。春雲塔影空。松關長日閉。孤鶴自乘風。
蕭然風景殊。尙此集名彥。啼歇野塘禽。去來芻舍燕。露深看竹回。春盡登樓倦。曉起捲簾看。落花飛片片。
小樓深樹裏。倒影入湖天。風笛人無影。雲樵畫半肩。不因虛閣閉。長見遠山懸。寂寂南屏寺。鐘聲破暮烟。
涵空無著影。遠近一烟蓑。春事餘黃鳥。幽人只綠蘿。塚生前代草。牧下夕陽坡。好待東村月。移來印碧波。
湖上晚風和。春衫薄未解。分泉灌野蔬。埽葉試新芥。柳色嫵猶眠。鶯聲繁易敗。是中烟景深。不假元人畫。
春闌花事減。樹樹冷晴鶯。滿地皆紅綺。無因拾翠鈿。松聲隱遠瀑。竹茂宜疏椽。日覺驪思懶。無心上酒船。

鍾山王氏玉式

十里春陰重。諸山悶眉嫵。折柳事已非。種花心自苦。南皋隱晴峯。西冷灑香土。美人避繁春。洗妝數日雨。
遊子逢嘉節。懷家溯遠涓。天心終黯淡。酒力敢衰危。橋斷連芳草。山孤集子規。昔人憑弔處。我亦淚如絲。
缺岸清波滿。移舟積雨中。隄身蘇姓舊。舫額米家工。楊柳方垂雪。燈花不送紅。兩峯開霽色。同志坐春風。
清夢二十年。佳人許一見。斂眉違清歡。含情依良宴。雲氣壓孤城。夕陽沈古殿。念彼浣紗人。勛名逐花片。
細雨知寒食。湖頭費酒錢。梨花多怨慕。杜宇獨啼天。祀貌存宮錦。碑陰論苦賢。真傳南渡事。簫鼓半風烟。
不記相逢處。萋萋指碧莎。青山誅舊檄。黃鳥滯新歌。鼓枻勞漁父。栽花憶郭駝。老僧談勝事。澆酒付寒波。

名山拾古今。西湖洗夙註。未許遊人私。留與高僧話。一鏡吐奇寒。千巖凝冷快。朝川已闌筆。倪米何能畫。賴有旗亭客。蒼涼共酒捲。當歌春欲去。惜別飲難慊。六代山情迴。諸天梵氣連。人疑天上坐。風雨不回船。

西陵釋普醢心函

放船坐天上。隄柳垂寒縷。魚鳥懷一新。湖山妙千古。蘭漿擊空明。青山撲歌舞。渺渺畫圖中。風聲送疏雨。春半鳴鷓鴣。花香不可窺。樓臺成黯淡。芳草盡離披。闌意消寒食。鷗情傍酒卮。湖邊迷曲檻。桃李也絲絲。曲隄苦已碧。春水縵殘紅。漁艇寒烟入。僧鐘晚霧空。遨遊情自達。雕琢句誰工。萍聚寧閒事。清言得晉風。憶昔兢笙歌。繁華倏已變。一聞山水音。相對烟雲情。鼓棹歌滄浪。操縵資遊燕。春殘雪霰飛。零落春光片。登臨意不盡。風雨遂遷延。鶯猶啼往日。湖亦媚當年。伯雅娛文酒。陰琴咽武絃。古今憑弔處。花筆掃春烟。節序無虛度。予生可若何。移情花不語。有意客悲歌。玉笛輕風冽。清光此夕多。良時終感慨。亭榭下湖波。山水重泉瀉。岸花一絲掛。層嶺動夕鐘。孤舟集雨話。蠟屐幾兩存。春茗何時賣。覺句自驚人。詩中應有畫。三春環十里。總不落蹄筌。戲謔隨當世。豪華見昔賢。歌聲歸醉客。花影滯嬋娟。待卜明朝霧。重來上酒船。

彭城徐必昇扶九

竟日擁涼雲。羣峰湖面頽。食留千載寒。酒送二春雨。同事皆勞人。此鄉稱淨土。孤山客未歸。草色迷微浦。美人零落後。日月等閒移。未有招魂侶。徒嗟虛鬢絲。梅殘猶見雪。鐘冷欲無詩。漫道青門老。聊過古蕩陂。

春氣西陵早。青山放遠紅。橋憐歌舞斷。鶴望海雲空。十里開天地。千年仰化工。不須金谷夜。猶自泊長風。
傾國成湖名。桃花開面面。遙憐絕代人。飛作落英片。衫濕白香山。墨畊米顛硯。乾坤浮鏡中。令我鬚眉變。
湖心一席地。草鳳翠細烟。欲洗雙峯影。愁傾百杳泉。屐封花窗外。苔翳夜燈前。車馬堤塵日。江山問杜鵑。
酒入鶯花夢。何堪五憶歌。不經湖寂寞。誰復恨烟波。幽榜開林麓。春絲薄晚義。食愁彈缺老。畔傍北山阿。
繁星入夜行。幽嶠具靈怪。處士白雲眠。名花春日賣。鳥傳冰壑書。人靜諸天界。珍重輞川人。勞君詩中畫。
買山何處好。滄海盡茫然。春宿西谿月。樓依蘇小船。悲風搖古壁。短榻坐青氍。天老愁應斷。書空漫草玄。

棲賢擇圓日梵伊

湖光動碧岑。烟棹迷春鼓。高會寄斯晨。幽懷良足數。雲封瓦寺鐘。花寂山香舞。人事幾微茫。半消寒食雨。
莫問殘隄柳。猶懸芳草思。雲顏羣壑異。天壓兩峯卑。簫鼓喧何日。林泉靜此時。一樽聊共對。誰謂鬢如絲。
烟際荒亭出。碑殘積蘚封。梅魂如可召。鶴夢杳難通。花落漁兒棹。鶯催遊子筇。垂湖春雨密。談笑愜高風。
平隄春水明。列嶂周遭見。花雨泛輕濤。芹香薦夕宴。照人杯影涼。入世鳥聲變。好擇此山阿。結茆地一片。
十里香塵路。遊情二月天。移樽開舫社。分俸給花錢。廢塔存何代。荒祠記宋年。隔江春幾許。浪說又烽烟。
肯憶諸峯勝。飛泉竹裏過。幾年懸杖笠。今日夢烟蘿。雨積山如醉。春寒鳥不歌。西冷新漲滿。草綠澗香波。
潯陽東鏡湖。倒影涵空界。一湖西子名。千古詩人債。江沙偏孤城。風光橫遠邁。蒼茫四望中。無處不圖畫。

是峯皆靜致。無樹不啼鵲。酒可酬春事。題因借錦聯。衆山皆欲響。獨我滯言詮。無限懷人意。風流一釣船。

命臺沈彝琮維則

一葦湖上來。鷗鷺差足伍。雲養鏡光昏。樹壓山形古。幽懷寄萍蹤。清韻聆松戶。也作問愁人。敲詩坐寒雨。逆旅支寒食。詞還寫竹枝。芳華未消歇。風雨故離披。水沒秦王轡。妝虛越女眉。啼鵲空有恨。時傍楊絲。鶴徑封苔蘚。何年別乃公。咽春春亂石。遺構老荒叢。代謝花開落。升沈客轉蓬。踏歌山骨冷。可奈歲寒風。飛樓結層陰。向我時舒卷。南北兩峯巒。草木互蒸變。如聞河伯宮。或散蛟門殿。美人期不來。望斷菱花片。放舸三潭外。凭虛思欲仙。琴彈魚樂國。節候雨花天。汎覽孤飛鶴。飄零逝海鳶。輕寒迎短棹。載得五湖烟。踏枝黃鳥下。送酒怯高歌。勝賞辜青帝。仙游蔽女羅。亭開湖而闊。柳向寺門多。更喜聯禪喜。袈裟泛碧波。春光虛九十。碧草沿隄陰。愁絕麗人行。釋此富鱸膺。孤城雨外封。雙塔天邊掛。始信老吳興。胸中自有畫。林樾昏四望。返照一峯懸。醉與同山簡。游人幾晉賢。拚翻銀鑿落。漫控鐵連錢。不盡登臨處。期晴下瀨船。

山陰趙陞孟遷

萍蹤十載遠。此日良朋舉。翠滴入空烟。寒峭生零雨。魚鳥解依人。湖山欣託主。徵詩刻櫺窗。高情捉譚麈。宕漾浮瀨去。衝波信所之。桃花消野意。柳色漾游絲。澄湖開新鏡。笙歌盡滿卮。蓬窗迷望處。大小米山奇。遊情春最勝。勝最擅湖中。况乃當寒食。何由兢暖風。蕪平沈岸碧。花落漲波紅。興至歌遺發。憑余酒力雄。

漸覺薄春衫。倏焉先集霰。天低或可浮。雲溼盡成片。絲竹咽清商。茗杏滌華譙。微度水龍吟。噴作驪珠串。欣此鷗盟訂。期同山石堅。濤箋雜白雪。江筆絢青烟。塔迴懷陳迹。隄傾感昔年。首搔杯引滿。不敢問青天。虛亭憑弔久。長嘯復長歌。翠失千巖暝。青迴十里波。臨風應灑淚。對雨不披蓑。自笑狂瀛客。雄心奈老何。遙挹飛來峯。幻靈我欲拜。廣酬半風流。臨摹展書畫。飛翠六橋紆。空濛三竺隘。春燈林杪焚。時出紅塵界。躋攀情未已。迂竇獵雲邊。我儼邀涼月。僧猶到夜船。梅殘孤嶼寂。草滿斷橋連。自有清音在。毋煩沸管絃。

練江汪度千頃

春游恰禁烟。屈指日百五。輕楫逐雲飛。好峯隨意數。太濛含朝昏。潮汐變今古。猶有盟寒松。亭亭度風雨。嵐翠空相撲。山山著雨奇。乾坤容汎覽。花鳥聽支離。酒德寬爲政。禪機寫入詩。王孫無限意。芳草漸成絲。淋漓收衆動。萬綠莽戎戎。荻壑難藏舫。石岨不長龐。古雲頑澹冶。新月逸虛空。作者薪勞後。蕭疏十里風。絲竹或衝雲。笙歌鶯一串。坐清烟水迷。香徹草木靈。意氣輕雲霞。風流高海甸。微茫人景遙。西子影一片。每對湖山處。依依若可憐。答歌樵牧外。逃醉白蘇邊。野水香花屋。寒濤漲墓田。前林斂薄日。電雨正驅烟。不覺聞生感。虬鐘發遠訶。樓重環水宅。寺古結山窠。往事歸青岫。餘生老綠蘿。徘徊看鼓枻。默默問春波。連陰氣似秋。天舉春光賣。桃柳問當年。碑祠刪古派。兩湖渾醉鄉。一棹繫詩債。南北幾重山。塊塊形諸畫。行藏疑逝水。猶喜向湖前。生計憑鷗鷺。閒情託佛仙。長空從笑造化獨無權。酌盡盃光去。仍浮不繫船。

古皖姚孫森繩先

舉目易滄桑。扁舟無定主。來青欣託鄰。流碧自終古。帆遶羣峯迴。林缺纖雲補。竟夕坐高寒。今朝瀟新雨。湖光珍一見。烟雨結寒姿。淑氣滋青草。幽香上綠枝。懷人多雨後。論治覺春遲。靜對惟鷗鳥。朝昏拂柳絲。萬山青在目。一水自能通。遠樹疏烟上。扁舟微轂中。寒偏知客意。韻半入詩筒。那是羊裘語。西窗坐晚風。終日踏波光。閒情殆欲偏。山影波千里。鳥聲徐一囀。修禊學隨時。看花羞照面。幽人無與言。檢點春光片。曉起凌空翠。濃陰隱亦妍。林平藏寺古。水闊得湖全。春永寒花歷。山奢穀雨泉。獨憐吟眺後。野鳥自啼烟。輕棹劃春雨。半日幾迴過。雲臥亂香曲。風喧堊徑羅。萬愁銷薄醉。一枕託高歌。努力持竿去。清時有釣波。歷景風雨愁。蒼茫春欲邁。襄裳雲影流。飛瀑山音掛。伊昔問水濱。於今習方枘。游覽一何奇。幅幅雲林畫。薄游含遠思。山水亦淒然。海絮生寒樹。潛魚泛積烟。客常依雨住。春肯向花傳。夢繞江東久。西湖尙繫船。

湖舫詩終

不繫園集

汪汝謙然明甫著

不繫園記

自有西湖。卽有畫舫。武林舊事。艷傳至今。其規製種種。已不可考識矣。往見包觀察始創樓船。余家季元繼作洗妝臺。玲瓏宏敞。差足相敵。每隔堤移岸。鱗鱗如朱甍出春樹間。非不與羣峯臺榭相掩映。而往往別渚幽汀。多爲雙橋壓水。鎖之不得入。若孤山法埠。當梅花撩月。蓮唱迎風。令人悵望。盈盈如此衣帶。何故高韻之士。又駕一蜻蛉。出沒如飛。驪笑萬斛舟。爲官爲估。徒豪舉耳。余謂不然。夫湖之藉舟。猶兩峯籃輦。六橋紫騮。宜稱所之。何論大小。如柳塘花嶼。錦纜徐牽。涼雨微波。一葦徑渡。輕橈短楫。潭月涵秋。朱欄綺疏。寒沙映雪。別有興寄。正自不同。詎僅僅載檀槽張綺席。繫此游龍飛鷁耶。矧四方客卿寓公。無不道。

西冷解鞍。借蘭葉下榻。而歌扇酒船兩俱草草。卽勉作三日留十日飲。不慮唐突西子哉。癸亥夏仲。爲雲道人築淨室。偶得木蘭一本。斲而爲舟。四越月乃成。計長六丈二尺。廣五之一。入門數武。堪貯百壺。次進方丈。足布兩席。曲藏斗室。可供臥吟。側掩壁厨。俾收醉墨。出轉爲廊。廊升爲臺。臺上張幔。花晨月夕。如乘彩霞。而登碧落。若遇驚飈蹴浪。欹樹平橋。則卸欄卷幔。猶然一蜻蜓耳。中置家童二三。擅紅牙者俾佐黃頭。以司茶酒。客來斯舟。可以御風。可以永夕。遠追先輩之風流。近寓太平之清賞。陳眉公先生題曰不繫園。佳名勝事。傳異日西湖一段佳話。豈必壘石鑿沼園邱壑而私之曰我園我園也哉。天啟三年歲在癸亥仲冬之初。汪汝謙記。

作不繫園

年來寄跡在湖山。野衲名流日往還。絃管有時頻共載。春風何處不開顏。情癡半向花前醉。懶癖應知悟後閒。種種塵緣都謝却。老耽一舸水雲間。

不繫園成

湖光二月漾晴暉。輕舫新成傍釣磯。有水有山情不繫。非園非圃澹忘歸。娟娟夜月橫琴榻。采采朝雲出舞衣。長笛一聲如裂石。滿灘鷗鷺莫驚飛。碧沙流影敞玲瓏。疑是珠光弄鏡中。棹撥春波還帶藻。幔垂朝日轉憐風。但看一葉低青雀。不礙雙橋落彩虹。到處吾園無住著。歌聲只在水西東。

留題二十韻

韓敬

出郭輿先謝。循堤棹卽逢。簾纔通便面。扉盡敞輕容。作墅棋堪賭。如園屨可從。寢興添澹宕。位置汰華穠。品水茶能醉。貪山飯亦慵。隣舟纖手粲。岸鼓細腰鑿。語鳥騰歌板。倡條撲酒鍾。橋陰霞組織。窗隙霧彌縫。訪泊遙謀葦。依田近割葑。衣香頻誤蝶。瓶蕊并携蜂。晝改朝昏樹。帆移向背峯。推篷兼徙蔭。憑檻代扶筇。文浪風生穀。金波月在鎔。春寒加飲量。夜暖戀譚鋒。漏促絃聲咽。燈扶髻影鬆。看花期越女。戰茗載吳儂。暝過前村笛。烟荒別寺鐘。梵函齋誦熟。墨瀋醉題重。

爽豁宜銷夏。迷藏礙度冬。隔江仍可遣。應共采芙蓉。

方士翊

洗春春滿木蘭舟。若個藏春最上頭。簾影半幢花入戶。幔亭高幘月含鉤。皮樵陶舫若可捫。半將柔翰雜芳樽。叩舷欲上未卽上。試詠臨高臺以軒。

詠不繫園

黃汝亨

流水元無定。扁舟相與移。山容迴合見。雲影去來期。何必人世遠。唯應去鳥知。飄飄陶徑外。日涉趣偏宜。

不繫園約

友人汪然明家不素封。習非矜豔。惟是耽山水之真契。屬雲天之高情。兩峯六橋。四時爲政。或攜蠟屐。或放扁舟。而以舟製遞更。罕兼勝具。小舸恰受未紆容。與之懷。巨艦高張有礙幽遐之討。乃緣心匠。指授良工。長僅十尋。橫幾九尺。可坐可臥。任錦纜以徐牽。以遨以遊。依林嶼而放泊。風流共賞。主客齊歡。然而雅